

四庫全書

史部

欽定四庫全書

欽定日下舊聞考卷三十三

宮室 明一

臣等謹按明初燕邸仍西宮之舊當即元之隆福興聖諸宮遺址在太液池西其後改建都城則燕邸舊宮及太液池東之元舊內並為西苑地而宮城則徙而又東我

朝定鼎凡前明弊政剷除務盡

宮殿之制概從簡樸間有興葺或僅改易其名今謹就  
朱彝尊原書各條下略為標識其詳已恭載

國朝宮室卷內不複綴云

原十二年十一月燕府營造訖工繪圖以進其制社稷  
山川二壇在王城門之右王城四門東曰體仁西曰遵  
義南曰端禮北曰廣智門樓廊廡二百七十二間中曰  
承運殿十一間後為圓殿次曰存心殿各九間承運殿  
之兩廡為左右二殿自存心承運周圍兩廡至承運門

為屋百三十八間殿之後為前中後三宮各九間宮門  
兩廂等室九十九間王城之外周垣四門其南曰靈星  
餘三門同王城門名周垣之內堂庫等室一百三十八  
間凡為宮殿室屋八百一十一間

明太祖  
實錄

原永樂十四年八月作西宮初上至北京仍御舊宮及  
是將撤而新之乃命作西宮為視朝之所中為奉天殿  
殿之側為左右二殿奉天殿之南為奉天門左右為東  
西角門奉天門之南為午門午門之南為承天門奉天

殿之北有後殿有涼殿煖殿及仁壽景福仁和萬春永  
壽長春等宮十五年六月建郊廟十一月建乾清宮

明典

彙

臣等謹按明永樂四年詔以明年建北京宮殿十  
四年八月作北京西宮十一月詔羣臣議建北京  
十八年詔改京師為南京北京為京師十一月以  
遷都北京詔天下是月北京郊廟宮殿成見明史  
本紀

原永樂十五年鼎建北京宮殿有瑞靄浮空金水橋河  
冰凝結浮圖諸象又慶雲呈采團圓如日正當御座中  
且現五色天花於是大小臣工咸為歌頌有聖德瑞應  
詩二十卷

萬歷重編內  
閣藏書目錄

原文皇將營北京宮殿時有神木出四川馬湖山中命  
禮部尚書建安鄭賜齋香帛往答神庥焉

遵聞錄

臣等謹按明永樂四年分遣大臣採木於四川江  
西湖廣浙江山西所遣往四川之尚書宋禮言有

數大木一夕自浮大谷達於江天子以為神名其山曰神木山遣官祠祭見明史本紀

原初燕邸因元故宮即今之西苑開朝門於前元人重佛朝門外有大慈恩寺即今之射所東為灰厰中有夾道故皇牆西南一角獨缺太宗登極後即故宮建奉天三殿以備巡幸受朝至十五年改建皇城於東去舊宮可一里許悉如金陵之制而宏敞過之

春明夢餘錄

原既遷大內東華門之外逼近民居喧囂之聲至徹禁





左掖門西曰右掖門再東曰東華門再西曰西華門向  
北曰元武門牆外紅鋪三十六

春明夢  
餘錄

臣等謹按明代宮室各門名雖仍沿元舊似俱移  
置東偏稍加恢擴其登聞鼓院今在西長安門外  
屬通政司詳官署門

原正德辛巳上入繼大統至京城外行殿楊廷和請上  
由東安門入居文華殿上箋勸進擇日登極上從行殿  
受箋由大明門入日中登極

明倫  
大典

原聖母將至禮部議由東安門入再議由大明左門入  
張璉曰雖天子必有母也焉可由旁門入乎聖母至由

大明中門入

同上

原進大明門次為承天之門天街橫亘承天門之前其  
左曰東長安門其右曰西長安門凡國家有大典則啓  
大明門出不則常扃不開每日百官奏進俱從二長安  
門入守者常數十百人皆禁軍也

長安客話

臣等謹按承天門又折而東曰長安左門折而西

曰長安右門見明史輿服志

原在京法司遇會官審錄重囚俱於承天門東西分為  
四行列坐公侯駙馬伯列於東班前行都督等官列於  
東班後行尚書都御史侍郎等官列於西班前行通政  
使大理寺佐貳官并六科掌科事給事中列於西班後  
行

明憲宗  
實錄

臣等謹按明之承天門順治八年重建改為

天安門今秋識大典仍在

天安門外西朝房即刑部三法司值班處也

原隆慶戊辰五月考選庶吉士在金水橋南設几北向

几上各帖姓名

穀城山房筆麈

原隆慶五年二月濬金水河

明穆宗實錄

原大明門內曰承天之門其內之東一門內則太廟也

西一門內則太社太稷也

燕史

原成化元年三月命工部尚書白圭董造承天門

明憲宗實

錄

原頒詔例置詔於櫺繫以繩自承天門絰下

國史  
唯疑

原太廟在闕之左永樂十八年建前正殿翼以兩廡後  
寢殿九間間一室主皆南面几席諸器備嘉靖十一年  
中允廖道南請建九廟上從其議撤故廟祖宗各建專  
廟合為都宮因舊廟新之太祖居中文皇世廟在太廟  
東北居六廟上昭穆六廟列太廟左右廟各有殿殿後  
有寢藏主太廟寢後別有祧寢藏祧主太廟門殿皆南  
向羣廟門東西向內寢殿皆南向十五年十二月九廟

成二十年四月雷火八廟災惟密廟存因重建太廟復同堂異室之制二十四年七月新廟成正殿九間內貯諸帝后冕旒冠帶櫃而藏之祭則陳設東西側間設親王功臣位前為兩廡東西二燎爐東燎列聖親王祝帛西燎功臣帛南為戟門門之左為神庫右為神厨又南為廟門門外東南為宰牲亭南為神宮監西為廟街門正殿後為寢殿九間奉安列聖神主皆南向又為祧廟五間藏祧主皆南向特享於四孟祫於歲除

春明夢餘錄

原太廟規制中室太祖高皇帝孝慈高皇后東第一室  
成祖文皇帝仁孝文皇后西第一室睿宗獻皇帝慈孝  
獻皇后東第二室武宗毅皇帝孝靖毅皇后西第二室  
世宗肅皇帝孝潔肅皇后東第三室穆宗莊皇帝孝懿  
莊皇后西第三室神宗顯皇帝孝端顯皇后東第四室  
光宗貞皇帝孝元貞皇后西第四室熹宗愍皇帝其祧  
殿所藏德祖元皇帝后懿祖恒皇帝后熙祖裕皇帝后  
仁祖淳皇帝后仁宗昭皇帝誠孝昭皇后宣宗章皇帝

孝恭章皇后英宗睿皇帝孝莊睿皇后憲宗純皇帝孝  
貞純皇后孝宗敬皇帝孝康敬皇后東廡脩享諸王十  
五人西廡脩享功臣十七人

來彞尊原按此乃崇禎時太廟規制蓋終明之世廟祀皆一帝一后后惟元配

原嘉靖四年四月光祿署丞何淵請於太廟內立世室以獻皇帝與祖宗同享太廟禮部尚書席書等以為不可有旨集廷臣再議於是吏部尚書廖紀武定侯郭勛



給事中楊言御史葉忠等咸謂皇上孝心無窮禮制有限臣等萬死不敢以非禮誤陛下上曰世室之建自古有之朕膺天命入紹大統皇考百世之室胡為不可遂命大學士費宏石琚太監張佐等即太廟左隙地立廟其前殿後寢一如太廟制定名世廟云已而席書上言擇地以稱廟所別者出入不與太廟同門位處不與太廟並列祭用次日使敬心不分於所尊廟欲稍遠使樂聲不聞於列祖尊尊親親可兩全矣神路宜由闕左門

出入何淵復奏當與廟街同門費宏賈詠石珤皆以為  
不可上不聽命由廟街門五年九月世廟成上自觀德  
殿奉獻皇帝神主於世廟十一年三月中允廖道南請  
建九廟十四年正月諭大學士李時等曰世廟迫近河  
水今擬重建於太廟左方命於太廟東南隙地相度二  
月初建九廟十五年十一月九廟成十二月奉安太祖  
列帝后神主十七年六月揚州府通州同知致仕豐坊  
上疏請建明堂加尊皇考獻皇帝廟號稱宗以配上帝

疏下禮部集議尚書嚴嵩言明堂園丘皆以事天今大  
祀殿在園丘之北正應古方位明堂秋享之禮即此可  
行不必更建至於侑享以父配之自漢唐宋諸君莫不  
皆然錢公輔司馬光孫忬所論又主祖宗之有功者今  
以功德則宜配文皇以親則宜配獻皇帝若稱宗之議  
則未有稱宗而不祔太廟者恐皇考在天之靈亦所不  
安復命集議嵩乃言考秋享成物之旨嚴父配天之文  
皇考配享允合周道戶部侍郎唐胄上疏力争上留中

不發乃設為臣下奏對之辭作明堂或問以示輔臣特  
黜胄為民上又諭嵩曰國家之興始於高皇帝而中定  
艱難則文皇宜同稱祖號皇考獻皇帝宜薦宗稱帝嵩  
復上議太祖即位仁祖雖自布衣必享天下之祀皇考  
固獨闕焉聖心必有所不安又言文皇帝再造鴻業堅  
以宗稱於義未盡尊稱為祖聖見允宜嵩奏出羣臣無  
復異議大學士夏言擬太宗為烈祖孝皇帝上定為成  
祖恭上廟號尊文皇帝為成祖皇考為睿宗獻皇帝祔

于太廟

明典  
宗

朱彞尊原按大禮之議張文忠倡之席文襄附和之其初合在廷之諍臣伏闕號哭不能回迨其後建世室配天祔廟兩公非不力爭亦不能奪何淵豐坊之邪說論世者咎終歸於始倡和之人此謂逢君之惡其罪大君子於議禮之際尤不可不慎也

原奉先殿在神霄之東殿九室如廟寢制國有太廟以

象外朝有奉先殿以象內朝每室一帝一后如太廟寢殿其祔祧迭遷之禮亦如之凡祀方丘朝日夕月冊封告祭及忌辰在焉餘皆於太廟行之永樂三十五年始

作

春明夢  
餘錄

臣等謹按明洪武間以太廟時享未足以展孝思復建奉先殿於宮門內之東成祖遷都北京建如制見明史禮樂志

原奉先殿薦新品物正月韭菜生菜薺菜雞子鴨子二

月芥菜薹菜萋蒿子鵝新冰三月茶筍鯉魚鵪鶉四月  
虱猪雞青梅王瓜杏子櫻桃白酒五月小麥麵沙糖  
紅豆嫩雞桃子大麥茄子李子來禽蒜薹煮酒六月冬  
爪甜爪西瓜蓮蓬七月葡萄棗子鮮菱雪梨茭實八月  
茭白嫩薑鰕魚鮮藕粳米粟米稔米芋苗九月鰯魚小  
紅豆沙糖栗子橙子石榴柿子生酒十月山藥蜜活鳧  
柑子橘子米糕豆腐蓼花米糖細糖銀魚子鱈魚魚凍  
十一月蕎麥麵紅豆沙糖甘蔗獐子天鵝鹿雁十二月

菠菜鯽魚白魚風鯽魚

光祿寺志

原奉先殿供養初一日捲煎初二日髓餅初三日沙爐  
燒餅初四日蓼花初五日羊肉肥麪角兒初六日糖沙  
餡饅頭初七日巴茶初八日蜜酥餅初九日肉酥油初  
十日糖蒸餅十一日溫麪燒餅十二日椒鹽餅十三日  
羊肉小饅餃十四日細糖十五日玉茭白十六日千層  
蒸餅十七日酥皮角兒十八日糖棗糕十九日酪二十  
日麻臙麵二十一日蜂糖糕二十二日芝蔴燒餅二十



三日捲餅二十四日燒羊蒸饅二十五日雪糕二十六日夾糖餅二十七日兩熟魚二十八日象眼糕二十九日酥油燒餅三十日糖酥餅

同上

補舊例北京奉先殿供薦二月子鵝江寧縣辦解三月鮮笋四月梅子皆南京園戶辦七月雪梨宣城縣解八月茭白南京池戶辦九月香橙南京園戶辦十月柑子橘子吳縣辦十一月甘蔗錢塘仁和二縣辦解萬厯九年南京太常寺卿沈節甫以子鵝道遠抵京已非子鵝

雪梨采自秋前裝運色味易變不如在京河間所產議  
子鵝別派大興宛平二縣雪梨派河間勅下禮部行太  
常光祿議覆未報二十四年九月南太常寺卿楊時喬  
請移文應天府取鵝梨價銀至京買子鵝河間買梨進

獻

南京太常寺志

臣等謹按明史禮樂志弘治十七年吏部尚書馬  
天升言南京進鮮船本為奉先殿設輓夫至千人  
沿途悉索今揚徐旱願減省以甦民困據此則前

明奉先殿供薦亦未免過繁矣

原嘉靖六年三月移建觀德殿于奉先殿之左改稱崇

先殿奉安恭穆獻皇帝神主

明世宗實錄

臣等謹按嘉靖二年葺奉慈殿為觀德殿五年以

觀德殿窄隘欲別建於奉先殿左尚書趙璜謂不

可不聽乃建於奉先殿之東曰崇先殿見明史禮

志

原孝肅紀皇后薨禮不得祔廟乃於奉先殿右特建奉

慈殿別祀之嘉靖十五年并祭於奉先殿罷奉慈享薦

春明夢  
餘錄

原景神殿在太廟東北奉藏列聖御容歲六月六日太

常寺吉服詣殿曬晾

同上

臣等謹按嘉靖十三年命易承天家廟曰隆慶殿

十五年以渠道遷世廟更號曰獻皇帝廟遂改舊

世廟曰景神殿寢殿曰永孝殿見明史禮志

補嘉靖二十三年夏建造九廟大柱石礲取諸西山每

石用礮二百頭拽二十五日至城

暖姝  
由筆

臣等謹按明世宗本紀嘉靖二十年四月辛酉九

廟災燬成祖仁宗主二十四年七月以廟建禮成

百官表賀亦見明史禮志

原崇禎十六年仲夏大雨沾衣如血雷霆通夕不止次日見太廟神主或橫或倒諸銅器為雷火所擊融而成灰六月二十三夜雷震奉先殿廟脊鴟吻碎中有劍削拔去不知落在何所廟門玲瓏雕刻處皆損壞有龍爪

痕太監蘇允寧換鴟吻比前減小上不悅降允寧級冠綬

紀畧

原崇禎十六年夏一夕大雨霹靂起奉先殿中詰朝視之殿門俱開門前白石為雷火所燔有蟠龍痕門上金鋪龍爪印其上爪所著處金皆鎔化中官馬從龍云良齋

筆記

原社稷壇在闕之右與太廟對壇制二成四面石階各三級上咸用五色土隨方築之壇西砌座位四面開櫺

星門西門外西南建神庫庫南為神厨北門外為拜殿

外天門四座西門外為宰牲亭

春明夢餘錄

原洪武元年上親祭大社大稷大社設正位在東配以后土西向大稷設正位在西配以后稷東向各用玉兩卽幣黑色特用犢一羊一豕一鴈豆各十

同上

原居中巍然而嚮明者午門也鐘鼓在焉曰左掖門曰

右掖門

燕史

原午門之內曰皇極門左曰弘政門右曰宣治門旁曰

歸極門曰會極門皇極門內東曰文昭閣西曰武成閣  
上曰皇極殿中曰中極殿後曰建極殿所謂三大殿也  
中極滲金圓頂如穿堂之制建極殿後曰雲臺門東曰  
後左門西曰後右門亦名曰平臺又東則景運門西則  
隆宗門中則乾清門上則為乾清宮崇禎八年八月初  
四日題敬天法祖牌懸於內東暖閣曰昭仁殿先名弘德西  
暖閣曰弘德殿先名肅離左曰日精門門之北西向曰端凝  
殿右曰月華門門之北東向曰懋勤殿左小門曰龍光



右小門曰鳳彩西御懋房萬厯中更壽安居乾清宮後  
披簷東曰思政軒西曰養德齋中圓頂則交泰殿上則  
坤寧宮皇后所居坤寧東露頂曰貞德齋西露頂曰養  
正軒東披簷曰清暇居北圍廊曰遊藝齋左曰景和門  
右曰隆福門再北左曰端則門右曰基化門便接瓊苑  
左右門矣此中一路之大畧也乾清宮門後過曰精門  
之東曰崇仁門先名迎祥稍南則曰奉慈殿萬厯中改東裕  
庫曰弘孝殿崇先殿改為神霄殿曰精門往北曰順德

北門則東一長街也再北向西與龍光門斜對者曰咸

和左門

先名百福門

向南者曰景仁宮

先長  
名寧

其東則東二長

街也南首麟趾門

先名  
壽春

北首千嬰門

先名慶安

麟趾門之東

曰延禧宮曰怡神殿再東曰嘉德左門再東曰蒼震門

咸和左門之北向西與景和門相對者曰廣和左門向

南者曰承乾宮

先名  
永寧

東宮貴妃所居東二長街之東曰

永和宮

先名  
永安

廣和左門之北向西與端則門對者曰大

成左門

先名  
長慶

向南者曰鍾粹宮

咸先  
陽名

皇太子所居前殿

曰興隆宮後殿曰聖哲殿其後小院曰龍德齋東二長

街之東曰景陽宮

先名長陽

千嬰門之北並列者則乾東之

房五所宮正司六尚局皆在乾清宮之東此東一路之

大畧也乾清宮門後過月華門之西曰遵義門

即膳厨門向

南則養心殿西南則祥寧宮宮前向北者曰無梁殿嘉

靖中煉丹藥之所月華門之西南者曰隆道閣原名道

心閣

即皇極閣

下曰仁德堂閣東曰忠義室曰仁蕩門

先名會極

曰義平門

先名歸極

西南則慈寧宮矣月華門往北曰順德

右門則西一長街也再北向東與鳳彩門斜對者曰咸

和右門

先名廣安

南者曰毓德宮原名安樂宮後又改永壽

宮則西二長街也北首曰百子門南首螽斯門西曰啟

祥宮

原名未央

宮內一石坊北曰聖本肇初南曰元德永衍

先曰貞源茂始慶澤無終

蓋興獻帝所生之地再西曰嘉德右門

先名

景曰隆德殿

即元極寶殿

祀三清神左有容軒右無逸齋配

殿左曰春仁右曰秋義再西北曰英華殿

先名隆禧

有菩提

樹二株北則北角井西則咸安宮

先名咸熙

咸和右門之北

向東與興福門相對者曰廣和門南向者曰翊坤宮

先名

萬安西宮貴妃所居西二長街之西曰長春宮

更永寧後仍改長春

宮廣和右門與基化相對者曰大成右門向南者曰儲

秀宮

先名壽昌

西二長街之西曰咸福宮

先名壽安

又後則乾西

之房五所此西路之大畧也坤寧宮所謂中宮也宮後則為後苑欽安殿在焉曰天一之門萬春亭千秋亭對

育軒

更名玉芳軒

清望閣金香亭玉翠亭樂志齋曲流館四

神祠有假山曰堆繡山山上亭曰御景亭東西二池有

亭東曰浮碧西曰澄瑞萬厯十一年毀觀化殿壘此東

南曰瓊苑左門

一名嘉福

西南曰瓊苑右門

一名隆德

欽安殿後

曰順貞門即坤寧門也此外則元武門矣皇極門之東

曰會極門門東曰文華殿有精一堂恭默室九五齋殿

之後曰玉食館北曰省愆居殿之口曰崇本門殿之後

曰刻漏房銅壺驗時之所再後則徽音門曰麟趾門其

內則慈慶宮又奉宸宮勗勤宮承華宮昭儉宮麟趾門

之東曰闕雉左門再西曰元輝殿再北朝南者曰寶善

門迤東曰慈慶宮後門門之外曰奉先殿即內太廟也  
街東則隆祀門其內則外東裕庫也又東北並列二門  
曰履順蹈和則一號殿仁壽宮之門內有嘯鷹宮皆鳳  
宮宮妃養老之處自寶善門亦可通元武門其中之門  
則蓮花門也皇極門之西曰歸極門門西曰武英殿殿  
西曰大庖曰尚膳監東北曰思善門曰仁智殿西南曰  
御酒房又北曰慈寧門嘉靖十五年以仁壽宮故址并  
撤大善殿建慈寧宮過慈寧宮皆內侍直房再北過長

庚橋則元武門矣

春明夢餘錄

臣等謹按前明宮室規制

本朝多仍其舊有更易其名者如皇極門今改為

太和門弘政門今改為

昭德門宣治門今改為

貞度門會極門今改為

協和門歸極門今改為

熙和門廣和左右門今改為



廣生左門

廣生右門文昭武成二閣今改為

體仁閣

弘義閣其宏孝神霄等殿今改建

齋宮及

毓慶宮詳見

國朝宮室

原順天主考例不賜宴獨南畿二主考辭朝賜宴於闕



轉花覆千官淑景移錢起云長樂鐘聲花外盡龍池柳  
色雨中深皇甫曾云曉色漸分雙闕下漏聲遙在百花  
中張籍云寶樹樓前分繡幙綵花廊下映朱闌至宋猶  
然故宣和御製宮詞云禁宮春色最妖妍桃李扶疎滿  
眼前又云繞過閣門分曲檻弄晴繁藥麗如粧蓋自金  
元以來始不復種花柳於闕下矣明於午門左右採松  
葉為棚使百官免立風露之下其制雖善要不若植花

柳之為愈也

筆詮

臣等謹按午門外松棚

本朝悉裁去

補文皇帝御用槍有號帶在午門之五鳳樓王元美有

詩紀之

眉公見  
聞錄

原程文德登五鳳樓詩 六月六日天晶明九重廣內  
暴干旌金鎬朱扉開鳳閣禁籞偶隨仙侶行複道召晁  
登且止俯視恍入青冥裏金鐘鼙鼓大十圍震擊元來  
聞百里紫電清霜森武庫高幢大纛紛無數中有神祖  
手執戈摩挲照照生雲霧赤纓玉勒間駝鞍歲久神物  
何嬖踰傳是文皇渡江日萬斛載寶來長安祖宗英謨  
久不滅輝煌重器遺宮闕千秋萬代付神孫張皇廟寔  
恢光烈平生浪說騎鳳遊吾今真上鳳凰樓直須形管

紀勝事 天風吹骨  
寒於秋 松溪集

補華亭沈景陽善卜永樂中驛取至京太宗命於午門  
上布卦乃問英國公征南事景陽占曰此大勝之兆時  
正午當得捷音其時果有飛檄至報安南平上大悅賜

鈔幣遣歸故里

稗史  
彙編

原刑制有矧之自明而為前代所未有者廷杖與東西  
兩廠錦衣衛鎮撫司獄是已是二者殺人至慘而不麗  
于法舉朝野之命一聽于武夫宦豎之手可嘆也太祖

常與侍臣論待大臣禮太史令劉基曰古者公卿有罪  
盤水加劒詣請室自裁未嘗輕折辱之所以存大臣之  
體也時侍讀學士詹同侍坐因取大戴禮及賈誼疏以  
進且曰古者刑不上大夫以厲庶恥也必如是君臣之  
恩禮始可兩盡上深然之洪武六年工部尚書王肅坐  
法當笞太祖曰六卿貴重不宜以細故加辱命以俸贖  
罪後羣臣望悞許贖俸始此然永嘉侯朱亮祖父子皆  
以鞭死工部尚書夏祥斃杖下故當時上書者猶以大

臣有過惡當誅不宜加辱為言宣德三年怒御史嚴皚方鼎何傑等沈湎酒色久不朝參遂命枷項以徇自此言官有枷項者至正統六年大臣枷項者為行在戶部尚書劉中敷侍郎吳璽陳瑄祭酒李時勉是時王振亂政鞭撻公卿殿陛行杖習為故事成化十五年汪直誣陷侍郎汪文升都御史牟俸等有詔切責給事中李俊等二十七人御史王濬等二十九人互相容隱不言各廷杖二十正德十四年以諫止南巡杖者舒芬黃輦下

百三十人死者陸宸等十一人嘉靖三年羣臣爭大禮聚哭左順門帝大怒杖五品以下豐熙等一百三十有四人死者王思等十七人于時裏瘡吮血填滿犴狴此其最酷者矣嘉靖中年用法益急雖大臣不免笞辱二十三年宣大總督尚書翟鵬薊州巡撫都御史朱方以撤防太早二十九年總督宣大侍郎郭宗皋巡撫大同副都御史陳耀以寇入大同是年八月刑部侍郎彭黯左都御史屠僑大理寺卿沈良才以議兵部尚書丁汝



獲獄遲緩三十一年戎政侍郎蔣應奎左通政唐國相以子弟寄名冒功皆逮杖之鵬死獄中方燿皆斃杖而黯僑良才等杖後即起治事公卿之辱前此所未有也故事凡杖者以繩縛兩腕囚服逮赴午門外每入一門門扉隨闔至杖所列校百人衣襪衣執木棍林立司禮監宣駕帖訖坐午門西墀下左錦衣衛使坐右其下緋而趨走者數十人須臾縛囚定左右厲聲喝喝闔棍則一人持棍出闔於囚股上喝打則行杖杖之三則喝令

著實打或伺上意不測曰用心打則囚無生理矣五杖而易一人喝如前每喝環列者羣和之喊聲動地聞者股慄凡杖以布承囚四人舁之杖畢舉布擲諸地幾絕者十恒八九刑部尚書林俊遺表諫世宗畧曰臣聞古者撻人於朝與衆辱之而已非欲壞爛其體膚而致之死也亦非所以待士大夫也成化間臣猶見廷撻三五臣容厚綿底衣以重氈疊帊猶卧褥數月瘀血始消正德時逆瑾用事始令去衣受杖重傷國體致釀末年諫

止南巡忠直斃命之慘幸遇新詔收恤士氣始回不意諸臣以議禮觸忤復見此事似非聖世所宜然自此或用微文意揣指謫被逮至因元旦朝賀怒六科給事中張思靜等各朝服受杖出四十餘年間朝士之畢命闕下者益多于前世矣萬曆六年以爭首輔張居正奪情杖編修趙用賢等五人天下寃之後帝益厭言者疏多留中廷杖寢不用至天啟四年司禮監太監王體乾奉勅大審復開其端重笞戚臣李承恩以悅魏忠賢因斃



足如箕張則囚可生韉尖一斂則囚無生理矣聞諸惡少年習行杖時先縛草為二人一實輒于中一紙裹其外俱以衣覆之杖實輒者視之若輕徐解而觀則輒都裂杖紙裹者視之極重而紙無傷能如是則入選以朝臣之死生恣閤豎武夫之喜怒真可歎息痛恨也

查浦輯聞

原海寧查京尹秉彛為諸生時夢受杖身在暗室中仰見一額懸天上春回四字後任戶科給事中上疏論嚴嵩父子詔廷杖六十謫定邊縣典史恍惚前夢因作詩

云九重天上春回日二十年前夢裏身

辛齋詩話

原隆慶元年吏部尚書楊博等上言先朝諸臣以建言  
廷杖死者若太僕卿楊最編修王思給事中薛宗鎧何  
光裕裴紹張原御史浦鏐曾紳葉經主事周天佐伍瑜  
臧應奎殷承叙凡十三人應復職贈廕上從之

明典彙

原隆慶二年給事中石星條奏六事上怒其訕上無禮  
廷杖之上御五鳳樓潛察杖者中官戒閤吏毋納給事  
從人部郎穆文熙恐以杖斃先以義白緹帥身自掖蔽

中官共詈之文熙且詈且掖以出得不死

同上

原海鹽鄭少卿履淳為尚寶司丞隆慶三年疏言今之最急莫如用賢陛下恭默三禩寧曾召問一大臣面質一講官賞納一諫士乎得旨杖一百血漬於袴今其子

孫尚置於笥中

閩史  
擬遺

補楊公繼盛獄具詔杖一百或以蚺蛇膽遺之謂服之可以禦杖繼盛曰椒山自有膽何必蚺蛇哉

史  
竊

補吉水鄒忠介公元標萬厯初以建言予杖天啟初起

為總憲年老矣入朝而躋德陵色不怡先太傳文恪公  
進曰元標在先朝直言受杖至今筋骨猶負痛也上為

之改容

開德錄

臣等謹按明時廷杖惟以一時之忤付諸閹豎俾  
得假威肆毒自王振劉瑾用事後中更數大獄所  
設東西廠鎮撫司錦衣衛羅織慘酷為尤甚朱彞  
尊原書備錄其事以見明之刑政失當閹寺擅權  
其底於滅亡宜也



原獻俘之禮先一日設御座於午門樓前楹正中是日  
早分遣勲臣告於南郊太廟教坊司陳設大樂於御路  
南東西北向文武各官朝服刑部堂上官及獻俘官吉  
服於御道外東西侍立上常服御皇極門鐘聲止鴻臚  
卿請上乘輿樂作內瑞戎裝擁衛前後排列五鳳樓東  
西兩黃蓋扈御簷登午門樓正中黃幄陞座樂止鳴鞭  
鴻臚寺卿招呼報捷獻俘官宣奏畢錦衣衛堂上官招  
呼拿俘來將尉引俘至刑部請付所司行刑押俘出羣

臣稱賀禮畢駕興

書

原上御午樓獻俘奏事畢上曰拿去廷臣尚未聞聲左右勳戚接者二遞為四乃有聲又為八為十六漸震為三十二最下則大漢將軍三百六十人齊聲如轟雷矣

小湧  
品幢

原崇禎元年五鳳樓前獲一黃袱內襲小函一卷題云  
天啟七崇禎十七還有福王一內侍晨撿得奏御前思  
陵傳巡視皇城各官究所從來袁槐眉給諫奏曰此事

不經何由得至大內且臣等巡視俱各未見而內臣特  
奏之安知非奸人所為如一追究將來必有造言簧惑  
聖聽者矣上可其奏立命火之青燐



欽定日下舊聞考卷三十三

欽定日下舊聞考卷三十三舉正

太常記原書訛作太嘗紀今改

太廟規制條

陳瑋下落祭酒李時勉五字今據明史刑法志增

午門

廷杖司禮監條

更永寧後仍改長春宮九字原書訛作正文今改作

小註

午門之內曰皇極門條

欽定日下舊聞考卷三十三舉正

欽定四庫全書

史部

欽定日下舊聞考卷三十五

五四

詳校官庶吉士臣胡鈺

檢討臣德生覆勘

總校官進士 程嘉謨

校對兼謄錄進士臣趙雲

欽定四庫全書

欽定四庫全書  
下舊聞考卷三十四

宮室

明

原午門內居中向南者曰皇極門即奉天門也左曰弘政門即東角門也考選鴻臚則在此焉右曰宣治門即西角門也西向曰歸極門即右順門也東向曰會極門即左順門也

史蕪

原奉天門常朝御座後內官持一小扇金黃絹包裹之

聞之故老云非扇也其名卓影辟邪永樂間外國所進

菽園  
雜記

補奉天門御朝上坐定內使捧香爐上刻山河之形寘

榻前奏云安定了

弘藝錄

原常朝舊制每日御皇極門決事御座謂之金臺既升  
座錦衣力士張五繖蓋四圍扇自東西陞立座後左  
右而內使一執蓋墜立座上一執武備雜二扇立座後  
正中武備之制一柄三刃而圈以鐵綫裏以黃羅祇如



扇狀用則綫圈自落三刃出焉防不虞也

西垣筆記

原厯日之頒太祖定於九月之朔其後改於十一月之

朔分賜百官頒行天下繼又改十月朔是日御殿比於

大朝會一切士民拜於廷者例俱得賜

野獲編

原倪元璐皇極門頒厯詩鳳闕開彤旭倪爐散紫煙  
六階齊度緯七政轉璣璣甲厯龍躔改寅賓象魏懸明

時功在革寅始義承乾黑帝威初試青皇位早傳周官  
新月令甘氏舊星篇人繼義和後書成寅英前庚先三

日戒貞下一元旋國籙符垂赤干支德應元興王惟省  
歲太史又編年賜出黃星曜披看綠字鮮因知天厯數

如日起虞淵憶革

原皇極門外兩廡四十八間除曠八間實四十間東二十間為實錄玉牒起居諸館及東閣會坐公揖在焉西二十間上十間為諸王館下十間則會典諸館也定王書堂在西第六間為讀書處第五間懸先師孔子畫像四配侍側蓋摹吳道子筆也及永王出閣因移定王第四間而永王在第六間

慈書

原洪熙元年六月上聽政於西角門

仁宗實錄

原故事文武羣臣朝親王於奉天門東廊今之皇極門

東也

東曹筆疏

原皇極門內居中向南者曰皇極殿即奉天殿也左向西者曰文昭閣即文樓也右向東者曰武成閣即武樓也殿之兩旁東曰中左門西曰中右門

燕史

原奉天殿永樂十五年十一月建

明典彙

臣等謹按明史永樂四年詔以明年建北京宮殿八年七月至北京御奉天殿受朝賀十二年八月至北京御奉天殿受朝賀則十五年之前已兩御

北京之奉天殿矣蓋明祖定大朝會正殿曰奉天  
永樂時建都遂仍其名至是撤而新之殿制皆自  
是年更定云

原北京奉天殿兩壁斗拱間繪真武神像

蓬憲  
日錄

補永樂十八年三殿工畢上召漏刻博士胡喬卜之布  
筭訖奏曰明年某月某日午時當燬上大怒囚之至期  
獄卒報午過無火胡服毒死則午正三刻也殿果焚上

甚惜之

明卓  
異記

原永樂十九年四月庚子奉天華蓋謹身三殿災

明成祖實錄

原正統五年三月建奉天華蓋謹身三殿乾清坤寧二宮初太宗皇帝營建宮闕尚多未備三殿成而復災以奉天門為正朝至是修造之發現役工匠操練官軍七萬人興工六年九月三殿兩宮成十月賜太監阮安僧保金銀紵絲鈔都督同知沈清封修武伯工部尚書吳中加少師太僕少卿馮春楊青俱升工部左侍郎

明英宗實錄

臣等謹按洪熙元年正月御奉天門受朝見明史

本紀

原嘉靖三十六年四月丙申雷雨大作戌刻火光驟起  
由奉天殿延燒華蓋謹身二殿文武樓奉天左順右順  
及午門外左右廊盡燬

明世宗  
實錄

原嘉靖三十六年四月十三日奉天等殿門災是日雷  
雨大作火光驟起由正殿延燒至午門樓廊俱燼

湧幢  
小品

原四月二十七日奉御札先作朝門午樓八月二十七  
日興工戊午八月三日大朝等門成奏告太廟

古和  
稿

原三十七年重建奉天門成更名曰大朝門

明典

臣等謹按嘉靖三十六年帝以殿名奉天非題扁所宜用宜更定以答天庥明年重建奉天門更名曰大朝門見明史輿服志

補嘉靖丁巳四月三殿二樓十五門俱災文武大臣會議修建海鹽鄭公曉時協理戎政率營軍三萬人打掃火焦鄭公白黃司禮磚瓦木石不必盡數發出如石全者半者一尺以上者各另團圍就便堆積白玉石燒成

石灰者亦另堆積磚瓦皆然不數日工部欲改修端門外廊房為六科并各朝房午門以裏欲修補燒柱牆缺又於謹身殿後乾清宮前隆宗景運二門中砌高牆一道攔斷內外內監工部議從外運磚運灰運黃土調灰一時起小車五千輛民間騷動公告黃司禮曰午門外堆積舊磚石并石灰無數可盡與工部修端門外廊房其在午門以內者可與內監修理柱空并砌乾清宮前牆黃甚喜公又曰修砌必用黃土今工部起車五千輛



一時不得集況長安兩門承天端門午門止可容車夫  
出入再加車輛阻塞難行見今大工動作兩關門外多  
空地可挖黃土用卻命軍搬焦土填上用黃土蓋三尺  
豈不兩便黃曰善公曰午門以裏臺基壞石移出長安  
兩門甚遠今厚載門修砌剝岸若命軍搬出右順門由  
啓明門前下北甚近就以此石作剝岸填堵不須減工  
部估料但省軍士勞力亦可黃又曰善公曰舊例火焦  
木軍搬送琉璃黑窑二廠往回四十里今焦木皆長大

不惟皇城諸門難出外面房稠路狹難行難轉況今災  
變各門內臣小房非燬即拆壞必須修葺方可容身莫  
若將焦木移出左右順門外東西寶善思善二門前後  
并啓明長庚兩長街聽各內臣劈取焦皮作炭木心可  
用者順便取去各修私房以皇城内物修皇城内房不  
出皇城四門亦省財力黃又曰善

鄭端簡  
年譜

原己未十月十日三殿興工庚申四月二日上梁

古和  
藻

原四十一年九月三殿成改奉天殿曰皇極華蓋殿為

中極謹身殿為建極文樓曰文昭閣武樓曰武成閣左  
順門曰會極右順門曰歸極奉天門曰皇極東角門曰  
弘政西角門曰宣治詔曰人君建中建極乃叙疇錫福  
之基臣民會極實欽若從乂之道持崇表正用迪訓行

明世宗  
實錄

臣等謹按明之華蓋殿即中極今建為

中和殿謹身殿即建極殿今建為

保和殿

原三殿規制自宣德間再建後諸將作皆莫省其舊而匠官徐杲能以意料量比落成竟不失尺寸

明世廟識餘錄

原萬厯二十五年六月戊寅歸極門火延燒皇極等殿

文昭武成二閣迴廊皆燼

明神宗實錄

原天啓五年八月戊戌皇極殿豎金柱九月甲寅門工成七年二月己亥迎建極殿金梁乙巳建極殿升梁五月辛未命工部尚書薛鳳翔迎中極殿金梁分遣尚書楊夢袞於神木廠孫杰於廣渠門崔呈秀於正陽門王

之臣於大明門郭允厚於午門周應秋於皇極門行祭告禮已邠中極殿升梁八月乙未中極殿建極殿挿劍懸牌三殿開工自天啓五年二月二十三日起至七年

八月初二日報竣

明熹宗實錄

原沈德符天啓宮詞萬方輻輳助雕甍觀闕巍峩壯帝京趙鬼不須重誦賦柏梁未燼建章營清權堂集

原京城皇極門且成而金柱明梁非圓尺極大者不中時川貴採辦在在告困適通惠河道工部郎陸澹園以天津至海兩岸平沙葭葦之地有歷朝大楠木漂沒者

悉為搜發至一千有奇其中梁柱圍尺者一百五十有

七約省金錢二百餘萬

見只編

增萬歷四十三年八月庚戌重建三殿

明史神宗紀

原皇極殿九間中為寶座座旁列鎮器座前為簾簾以銅為絲黃繩繫之簾下為氍毹盡處設樂殿兩壁列大龍櫺八相傳中貯三代鼎彝櫺上皆大理石屏每遇正旦冬至聖壽則御馬先一日尚寶司設寶案於座之東鴻臚寺設表案於殿東中門外主客司設外藩貢方物

案於丹陛左右欽天監設定時鼓於文樓上教坊司設中和韶樂於殿內東西設大樂於皇極門內東西俱北向至期錦衣衛陳鹵簿儀仗於丹陛丹墀東西設羽扇於殿內東西陳車輅步輦於皇極門丹墀中道北向金吾等衛列甲士軍仗於皇極門外午門外丹墀東西旗手衛設金鼓於午門皇極門外御馬監設仗馬錦衣衛設馴象於文武樓南東西相向欽天監設報時位於丹陛之東鼓初嚴百官朝服班午門外鼓次嚴百官次第由

左右掖門入詣丹墀序立鳴鞭捲簾鼓三嚴導駕官前  
導尚寶司捧寶前行樂作奏飛龍引之曲上袞冕升座  
外贊排班班齊鞠躬大樂作奏風雲會之曲再奏慶皇  
都之樂三奏喜昇平之樂贊搢笏鞠躬舞蹈贊跪唱山  
呼贊出笏俯伏四拜興禮畢鳴鞭奏賀聖明之樂駕興  
尚寶司捧寶導駕官前導至中和殿駕還宮

春明夢  
餘錄

原太祖初定大朝位正殿曰奉天殿門名亦如之其後  
文皇營北京遂仍其名燬於火世宗更其名曰皇極而



華蓋殿則曰中極謹身殿曰建極蓋取洪範之義議者  
以為洪範更有六極字樣相同意義不美然上方親定  
禮樂薄視百王少忤則獲罪無赦正者至隆慶初元御  
史張檟請改仍太祖舊號時高儀為大宗伯以為皇考  
所定且遺詔中多所釐正獨不及殿名乞存之以表三  
年無改之義遂不果易按太祖奉天二字實不可易祖  
訓中云皇帝所執大圭上鏤奉天揚祖四字遇親王尊  
行者必手秉此圭始受其拜以至臣下誥勅命中必首

云奉天承運皇帝太宗繼之一切封拜功臣必曰奉天  
靖難其次曰奉天翊衛奉天翊運至列聖所封者無論  
為功勳為恩澤為文武亦必以奉天為號至今不改若  
皇極建極本屬一義而中極尤為無出攷完顏氏上京  
宮殿其正寢名乾元殿蓋襲唐代舊號至天眷元年改  
名皇極殿則先有稱之者矣

野獲編

原劉效祖詩 元會初分庭燎光君王親御紫霞觴  
不知五夜春多少白日猶聞蠟炬香 念菴詩集

原中左門之左小廂房有扁曰德政殿崇禎十五年五

月召諸臣入對及午賜宮餅各十五枚書懋

原崇禎十五年八月上御朝畢登文昭閣閣在皇極殿  
東上步下閣御德政殿召五閣臣言文昭閣兩旁可建  
直房朕不時召對及講讀有疑問先生往來亦便翌日  
遂於閣左右各設直房

原皇極殿之北有滲金圓頂者曰中極殿即華蓋殿也  
再北曰建極殿即謹身殿也俱嘉靖四十一年重建工  
完改名者也殿居中向後高踞三纒白玉石欄干之上

者雲臺門也兩旁向後者東曰後左門西曰後右門即雲臺左右門亦名曰平臺也凡朝對各臣等官或於平臺即後左門也

燕史

臣等謹按明弘治十三年五月召大學士劉健李東陽謝遷於平臺議京營將領見孝宗本紀

原四川石砭女帥秦良玉帥師勤王召見賜綵幣羊酒上製詩旌之曰蜀錦征袍手製成桃花馬上請長纓世間不少奇男子誰肯沙場萬里行

崇禎  
遺錄

臣等謹案崇禎三年永平四城失守良玉奉詔勤王帝召見平臺賦四詩旌其功見明史本傳

原崇禎十二年九月命大學士楊嗣昌以原官兼兵部尚書督師討流寇賜尚方劍宴於平臺後殿上手觴嗣昌三爵賜以詩

國權

原賜楊嗣昌詩云鹽梅今暫作干城上將威嚴細柳營一掃寇氛從此靖還期教養遂民生書用黃色金龍蠟箋厚如指甲長四尺餘濶一尺六七寸字大二寸餘後

一行署云賜督師輔臣嗣昌又一行署云崇禎十二年九月前鈐御筆之章引首一寶上方中書一押大體似明德二字合成者鈐一表正萬邦之寶

額天錄

補崇禎丙子八月十六日上御平臺召諸臣入對入班天氣晴明全無雨狀俄而黃沙蔽天風霆交發怒吼不絕滂沱大雨雜以迷霧

名對記

原中極舊名華蓋前即皇極後為建極崇禎辛巳四月召對至弘政門則上已御殿即魚貫而入中左門循殿

左垣高下可四十級到中極殿殿左右闢四大門上寶座周圍刻金龍形金色璀璨御榻以黃綾衣之八分東西班行禮各對畢上命賜宴坐內璫布席與宴者十三人各一席酌用金蓮花杯杯高大如瓶圓可四寸下有三小蒂承之傍有荷柄席各三十餘器席前各二花瓶中插蓮花光祿署官八人行酒祖制宴羣臣多在午門外及文華門外惟郊祀慶成宴三品及學士在皇極殿內而中極自國初賜宴親王外未有也至正統後坐禮

久廢今始行之

懋書

原後左門又北東則景運門也西則隆宗門也又西向南者則仁德門也隆宗門之南東向房一連名協恭堂司禮監太監看文書之所也乾清門外左右金獅各一入門丹陛直至乾清宮大殿左曰日精門右曰月華門左小門曰龍光右小門曰鳳彩神宗御居西煖閣光廟御居東煖閣先帝御居西煖閣今上御居東煖閣宮之左端凝殿尚冠等近侍所司衮冕玉帶類貯此右懋勤



殿先帝創造地炕恒臨御之燕

史

原正德九年正月乾清宮火上自即位以來每歲張燈  
為樂庫貯黃白蠟不足復令所司買補之及是寧王宸  
濠別為奇巧以獻遂令所遣人入宮懸挂皆附著柱壁  
上復於宮庭中依簷設氈毯而貯火藥於中偶勿戒遂  
延燒宮殿俱盡上猶往豹房省視回顧光燄燭天戲謂  
左右曰是好一棚大烟火也

明武宗  
實錄

原正德十六年十一月乾清宮成世宗自文華殿入居

之四川道監察御史鄭本公以上入居新宮上疏曰乾清之為宮八年營構一旦落成陛下踐祚之初適與期會居安之日正思危之時也上嘉納之

明世宗實錄

原萬厯二十四年丙申三月乾清坤寧災二十五年二

月重建

春明夢餘錄

補乾清坤寧兩宮再建萬厯二十四年七月初十日開工至二十六年七月十五日告成兩宮之外交泰殿煖殿披房斜廊乾清日精月華景和隆福等門及圓廊房

一百一十間并帶造神霄殿東裕庫芳玉軒通共用銀

七十二萬

冬官紀事

補乾清坤寧二宮告成需石陳設滇中以奇石四十積  
分製佳名以進曰春雲出谷曰泰山喬嶽曰神龍雲雨  
曰天地交泰各大五尺一寸曰玉韞山光大五尺曰河  
洛獻瑞曰元嶂雲收曰江漢朝宗曰奇峯疊出曰海山  
朝旭各大四尺一寸曰錦雲碧漢曰虹臨華渚曰雪溪  
春水曰羣峯獻秀曰麟趾呈祥曰龍翔鳳舞各大四尺

曰一碧萬頃曰雪巖春霽曰雲霞出海各大三尺曰萬  
山春曉曰春山煙雨曰百川霖雨各大三尺五寸曰溪  
山煙靄大三尺一寸曰壽山福海曰雲漢麗天各大三  
尺六寸曰湖光山色曰函關紫氣曰春山煙雨曰卿雲  
綯采曰雲霞出海各大三尺五分曰龍飛碧漢大四尺  
八寸山水人物屏石八塊曰山川出雲大三尺九寸五  
分曰煙波春曉大三尺四寸曰白雪春融大三尺三寸  
曰雲龍出海曰槎汎斗牛各大尺五寸曰春雲出谷曰

海宴河清曰振衣千仞各大二尺九寸時歲己亥三月

也

泉南  
雜志

原嘉靖十四年秋乾清宮左右小殿成上命禮部尚書  
夏言擬額殿東貯冕弁西藏書史言擬左曰端凝右曰  
懋勤上悅曰卿所擬取端冕凝旒懋學勤政義甚善遣中

使賜言金幣

明典  
彙

臣等謹按春明夢餘錄曰精門北曰端凝月華門  
北曰懋勤今制

端凝殿

懋勤殿

日精門

月華門俱仍舊名

原乾清宮丹陛下有老虎洞洞背為御街洞中斃石成壁可通往來帝嘗於月夕率內侍賭迷藏潛匿其內

天啟

注宮詞

臣等謹按宮前丹陛下洞道蓋侍從之人藉以左

右往來者而明之末葉乃用為嬉娛之地其興居無節政令不修甚矣國祚豈能久乎

原陳惲詩 石梁深處夜迷藏 霧露溟濛覆月光  
捉得御衣旋放手 名花飛出袖中香 天啓宮詞

補楊大洪首倡移宮李選侍出居一號殿黃忠端說畧

臣等謹按明史楊漣傳載李選侍居乾清宮漣力請移宮遂移居仁壽殿據此則一號殿即仁壽殿之別名也

原崇禎元年書敬天法祖扁額命司禮監掌印太監高

時明懸乾清宮大殿兩楹書人心惟危道心惟微惟精惟

一允執厥中十六字

崇禎遺錄

原西煖殿萬曆七年五月添額名肅離殿至十一年四月更弘德殿東煖殿萬曆十一年閏二月添額弘德殿

本年四月更昭仁殿

明宮殿額名

臣等謹按元大內東西煖閣為慈福明仁二殿明初東為弘德西為肅離至萬曆十一年更名東煖閣曰昭仁西煖閣為弘德見明史輿服志



本朝因之

原萬厯七年四月輔臣張居正進肅雖殿箴上覽而納之命書於御屏十一年四月大學士張四維等進昭仁

殿弘德殿箴

明神宗實錄

原乾清宮後披簷東思政軒西養德齋崇禎五年四月

安扁中圓殿更交泰殿嘉靖十四年七月添額

明宮殿額名

補王錫爵思政軒箴 惟皇睿聖光嗣丕基弗寧燕處有儆若思厥思伊何萬幾一日千里應建謀之几席惟皇立政欽若昊天曰雨曰暘思其或愆惟皇立政憲於烈祖是訓是行思繩厥武四海惇嫜政是用康一夫不

欽定四庫全書

欽定四庫全書

獲我視如傷殊方皮弁政是用輯一夫不戒作我茲賊  
萬方玉食思及鉏犂衣服在御思及杼機筐篚之恩用  
思有式賁出無經乃政之恩任思勿貳或蔽其聰去思  
勿疑或撓其公言逆於耳思或為利言遜於心思或為  
戾朝以出政則思其終紛更之戒畫一之從夕以修令  
則思其始毋詢獄辭毋眩多指是之為思規萬世安天  
命不易為君寶難人亦有言日中則昃無疆惟休無疆  
維恤思之思之鬼神通之戶牖有箴警賡誦之王大

肅文  
草

原乾清宮之北曰交泰殿則皇后所居也有中門向後

恒閉而不開

燕史

原暖閣在乾清宮之後凡九間中一間置床三張於房

下即以天橋上左一間之下置床三張於上又以天橋下左二間之下間置床三張於下又以天橋上左三間之上間又置床三張於上又以天橋下左四間之下間置床三張於下右四間亦如之天橋即人家樓梯也凡九間有上有下上下共置床二十七張天子隨時居寢

制度殊異

載宙

原坤寧宮嘉靖十四年七月添額東露頂安德齋崇禎六年四月更貞德齋西露頂養正軒崇禎七年八月安

扁東披簷清暇居北園廊游藝齋俱崇禎五年十月安

扁

明宮殿  
額名

增坤寧宮東披簷清暇居崇禎五年十月二十三日安

扁北園廊遊藝齋同日安扁

春明夢  
餘錄

補思陵在游藝堂一日忽命中官問詞臣曰今市肆交易止言買東西而不及南北何也詞臣猝無以對輔臣周延儒曰南方火北方水昏暮叩人之門戶求水火無勿與者此不待交易故惟言買東西中官以其言入奏

上善之

冊  
園

原廣運門更坤寧門嘉靖十四年七月添額明宮殿額名

明宮殿  
額名

原坤寧宮左曰永祥門右曰增瑞門俱萬厯二十五年

二月添額

上同

臣等謹按今制

永祥門

增瑞門俱仍舊名

原宮人有罪罰提鈴每夜自乾清門至日精門月華門

仍還乾清宮前方止高唱天下太平聲緩而長與鈴聲

相應

天啓宮  
詞注

原禁中歲除各宮門改易春聯及安放絹畫鍾馗神像  
像以三尺長素木小屏裝之綴銅環懸挂最為精雅

舊京

遺事

原舊例宮中歲首不貼門神殿門外列綵裝二狀如傀  
儡以木為之長與人等每歲除則飾以冠笏與人無異  
崇禎末綵裝入夜輒走久之日未落即走內官不敢獨

行見其來輒引避一老中貴言之

原過日精門之東曰崇仁門稍南曰內東裕庫曰弘孝

史-燕

原隆慶元年三月更名景雲殿曰弘孝殿

明穆宗  
實錄

原弘孝神霄二殿奉安孝烈皇后孝恪皇太后萬曆三年徙神位於肅皇帝室罷弘孝神霄之祀

春明夢餘錄

臣等謹按明世宗孝烈后隆慶時祀弘孝殿穆宗母孝恪皇太后隆慶初祀神霄殿萬厯三年俱遷

祔奉先殿二殿遂罷見明史禮志

原蒼震門恒閉遇掃雪則開

燕史

原大內每雪後即於京營內撥三千名入內廷掃雪輪番出入每歲俱然亦有游閒年少代充其役以觀禁掖宮殿者又南京舊制有揀花舍人額設五百名蓋當年供宗廟薦新及玉食糖糗之用今廢久矣五百揀花三

千掃雪亦兩都佳話也

野獲編

原宮正司六尚局曰尚衣曰尚食曰尚功曰尚服曰尚



寢曰尚宮皆在乾清宮之東

燕史

原景仁宮初名長寧宮有惟和從善二亭延祺宮初名長壽宮有集瑞亭永寧宮崇禎五年八月更承乾宮東配殿曰貞順齋西配殿曰明德堂俱崇禎七年八月安

扁

明宮殿額名

原田貴妃居承乾宮

玉堂舊記

原永和宮初名永安宮咸陽宮更鍾萃宮隆慶五年十一月更前殿為興龍殿後殿為聖哲殿後有小院名龍

德齋景陽宮名長陽宮嘉靖十四年五月更名

明宮殿額名

原千嬰門之北並列者則乾東之房五所

燕史

原過月華門之西曰遵義門向南者養心殿也向北則

司禮監掌印秉筆之直房祖制宮中膳房原在隆道閣

後魏忠賢移於怡神殿而以其房為直房養心殿之西

南曰祥寧宮宮前向北者曰無梁殿世廟煉丹藥之所

也月華門西南巋然者隆道閣也

同上

原嘉靖四十一年九月改乾清宮右小閣名曰道心房

左門曰仁蕩右門曰義平

明世宗實錄

原隆慶四年二月命工部於道心閣精一堂臨保室舊

址重建閣曰隆道堂曰仁德室曰忠義

明穆宗實錄

原長樂宮更名毓德宮萬曆四十四年十一月又更名

永壽宮未央宮更名啓祥宮

明宮殿額名

臣等謹按萬曆十八年正月召見大學士申時行

等於毓德宮見明史本紀

補嘉靖十四年五月建啓祥宮侍講學士廖道南作頌

以獻上優詔答之宮為獻皇帝誕降之地

嘉隆開見錄

原啓祥宮神廟自兩宮災後遂居於此

史

臣等謹按萬曆三十年召大學士沈一貫于啓祥

宮命罷礦稅見明史本紀

原嘉德右門南向為隆德殿供三清元武諸神神廟時

災天啓七年重修

史

原隆德殿即元極寶殿隆慶元年更名崇禎六年更中

正殿左有容軒右無逸齋俱扁左配殿曰春仁右配殿

曰秋義

明宮殿額名

臣等謹按嘉靖十七年大享上帝於元極寶殿奉

睿宗配十八年二月祈穀於元極寶殿見明史本紀

原崇禎六年乾清宮隆德殿所供神佛像盡移於朝天

宮大隆善寺

崇禎遺錄

臣等謹按明隆德殿舊址今改建

中正殿雨花閣

原隆德殿西北曰英華殿以供西番佛像有菩提樹二

株燕史

原英華殿前菩提樹兩株六月開黃花秋深子落子不  
從花結與花並發而附於葉之背瑩潤圓整可作佛珠  
此樹為李太后所植太后上寶神廟上尊號曰九蓮菩

薩祀慈容於樹北之別殿

天啓宮詞注

補大內西北隅英華殿前有菩提二樹慈聖皇祖母手  
植也高二丈枝幹婆娑下垂著地盛夏開花作黃金色

子不於花帶生而綴於葉背秋深葉下飄颺永巷却葉  
受子而念珠出焉其顆較南產差小而色黃且間分瓣  
之綫界作白絲名曰多寶珠

菩提子  
詩序

臣等謹按今

壽安宮之北為

英華殿亦供奉佛像之所庭中菩提樹

御製詩恭載

國朝宮室卷內

原英華殿先名隆禧殿隆慶元年更名崇禎五年撤額

明宮殿

額名

原英華殿元旦供年飯素澆頭立春供素饅餅春蠶卧  
饅餃元夕供果餡蠶兒四月八日供大不落夾二百對  
小不落夾三百對五月五日供粽子四百枚冬至日供

素饅餛臠八日供粥料

光祿寺志

原嘉靖十四年五月更萬安宮曰翌坤宮長春宮曰永  
寧宮壽昌宮曰儲秀宮壽安宮曰咸福宮咸熙宮曰咸



安宮萬厯四十三年六月復更永寧宮曰長春宮

明宮殿額名

臣等謹案明咸安宮舊址今在

壽康宮後乾隆辛未恭建

壽安宮詳見

國朝宮室

原袁貴妃居翊坤宮

玉堂舊記

原百子門之北並列者則乾西之房五所

燕史

原出會極門之下曰佑國殿供元武像其東則內承運

庫再東曰香庫稍北有石碑曰古今通集庫以貯古今君臣畫像符券典籍歲六月六日曝之

同上

臣等謹按佑國殿已廢其承運各庫在今內閣之東古今通集庫似即今銀庫地石碑不可攷古今帝王畫像今藏在

南薰殿詳見

國朝宮室

原會極門東向南者文華殿也有扁曰學二帝三王治

天下大經大法者神廟御筆也繩愆糾謬者小臣杜詩  
筆也有精一堂恭默室九五齋殿之後曰玉食館西北  
曰省愆居其底用水為通透之基高三尺餘下不令牆  
壁至地四圍亦不與別處接凡遇災青駕居此以示修  
省殿之西曰崇本門殿之後曰刻漏房銅壺滴漏在此  
凡八刻水則交一時直殿監宿抱時辰牌赴乾清門裏  
換之牌長尺餘石青地金字書曰某時途遇者必側立  
讓行坐者必起立亦敬天時之義也

燕史

原蔡訓詩 千門花柳轉 楓宸百和香中過 華座  
銀箭忽從天上落 六宮仙子聽時辰 林屋集

原正統三年五月書天下文武方面官姓名於文華殿  
上諭行在吏部兵部臣曰庶官賢不肖難知使淑慝混  
淆莫辨將孰與為善爾等朝夕在左右朕熟知之在外  
者或知有未盡先朝嘗命書其姓名於武英殿南廊或  
於奉天門西序以備觀覽爾等其書中都留守司各都  
司布政司按察司姓名揭於文華殿候儒臣進講之暇  
因以考其人之賢否而加黜陟焉

明英宗  
實錄

臣等謹按明仁宗即位揭天下三司官姓名於奉  
天門西序孝宗弘治元年疏文武大臣中外四品  
以上官姓名揭文華殿壁見明史本紀

補文華殿在奉天門之東北諸殿制稍減而特精雅用  
綠色琉璃瓦左右為兩春坊上之便殿所常御者也今  
用為經筵之所中設御座龍屏南向又設御案於御座  
之東稍南設講案於御案之南稍東入殿中門當檻下  
白石一方純潔可丈許擡講案官置案當其北二三尺

地始稱講官拜起也殿中金鶴一雙東西相向立盤中  
下有趺架飾以金朱以口銜香香黑色如細燭狀外國  
所貢也其下則以三山小銅屏風障金銅炭爐兩展書  
官各立其下展書官悉從內閣題定兼用坊院每講四子  
書展書官從東班出講經史展書官從西班出進詣御  
案前跪出濕手香濕手香名太醫院每歲製此以分餽各官展講章二太監  
接手攤滿以金尺鎮定然後起至此則天顏真咫尺矣  
凡進講衣冠帶履俱薰香退即以別篋貯之示不敢褻

也光祿寺設宴於左順門之北蓋奉天門之東廡也依  
品級序坐作一行俱面西珍羞良醞二署司賜宴惟經  
筵最精腴例得帶從官堂吏及家僮輩攜囊榼以收餽  
餘宴畢出至左順門之南分班北向叩頭謝恩而退

水南  
翰記

原天順八年始開經筵歲以二八月中旬始四十月下  
旬止先期於文華殿設金鶴香爐於寶座之南左右各  
一香爐之東南設御案講案各一案上置進講書鎮以  
金尺至期知經筵官勲臣閣學講官暨九卿鴻臚錦衣

指揮使及四品以上寫講章官俱繡金緋袍展書翰林  
官與侍儀御史給事中俱青繡服大漢將軍二十人導  
駕至左順門易冠帶仍執金瓜侯伯則易金繡蟒衣綴

立文華門外宣入將軍負東西牆立

祝允明九朝野記  
朝制選將軍直殿

所司有木架高八尺  
進者立其身與之  
齊擔五百觔輒行殿  
廷一匝為合格

諸臣行禮畢升

陞由殿東西門入序班舉御案進上前隨舉講案講官  
出班立展書官二員出班對立講官行禮興東展書官  
膝行詣御案展四子書講義講官進講畢退西展書官



展經義儀亦如之講畢上諭官人喫酒飯各官承旨出拜丹陛下乃詣左順門譙以官序惟學士序鴻臚及四品以上寫講章之官之右日講官凡四員日輪二員進講講畢宴於文華門外西廡禁中謂之小經筵亦謂之

小講

瑣綴錄

補舊規經筵春講以二月十二日起五月初二日止秋講以八月十二日起十月初二日止

明熹宗實錄

補經筵初開講讀侍從官皆有白金文綺之賜史成進

御亦進秩加賞書成以事故去則不霑恩數如先去不效勞動偶值書成則得霑恩數故有經筵頭修書尾之

諺

震澤  
長語

原經筵始開相傳每講畢命中官布金錢于地令講官

拾之以為恩典

立齋  
開錄

原經筵進講在文華前殿日講在殿後穿廊正字在後

殿東閣設一幄次又東一室乃上所游息處

數城山  
房筆塵

原講殿中範金為二鶴立于左右鶴頭各插香二炷

費文

稿憲摘

補先是文華殿有孔子塑像帝欲從古易以木主靈寶  
許莊敏公誥乃以所著道統書上之帝悅即撤以舊像  
立皇帝王師八主南向周孔二主東西向且命公輔九  
人瞻拜主前諭之曰朕奉先聖先師於此庶起敬慕以  
遜志于學卿等其固朕棄仍賜茶以及禮神品物

戒菴漫筆

原文華殿東室奉伏羲神農軒轅堯舜禹湯文武九聖  
南面周公孔子左右東西向歲春秋開講前一日皇帝

皮弁服拜跪用羹酒果脯帛行奠告禮

春明夢  
餘錄

原每日講曰初出上到文華殿東房房中供羲農黃帝堯舜禹湯文武九小龕于上左周公右孔子二龕上一拜三叩頭中官贊禮是時門未啓閣臣講官立候月臺上左闌干邊候上行禮畢轉後殿方開門上坐殿後川堂司禮監打躬承旨曰先生每來閣臣講官始分左右魚貫而入近御案前一拜三叩頭不贊禮上坐平地僅高三寸蓋略堂陛之嚴亦以便講官憑几也每讀書講

書與上共一几几上只書一本朝上講官憑几倒看手  
執朱紅牙籤讀某句即以籤指講亦如之時左班中官  
手執一小架架上有金錢自架左移右有聲以計遍數

玉堂紀實

原陸深經筵紀事詩 經筵開自祖宗朝按月奉旬第  
二朝今上春秋偏好學三千年後見神堯 編排御覽  
致精誠白本高頭手寫成句讀分明圈點罷隔宵預進  
講官名 絲鞭聲肅退朝官名在經筵署整冠一字班行  
先出隊中臣扶策下金鑾 金水河頭白玉橋上公寶  
帶侍中貂裘逡巡小立瞻龍氣左順門高御幄飄 文華  
殿啓奉天東滴翠浮青映碧空 譚藝講經頻設仗太平  
天子坐當中 百官朝下殿門前仗馬雙牽七寶鞭黃

道正中移步輦侍臣班從赴經筵  
龍池鳳掖藹朝曦  
板輈初回轉角門聽唱官人來進入講  
章默然又重溫  
過殿陛森排劍戟重金貂玉蟒護真龍司儀起案雙雙  
繡雲檣向御前安穩定黃金鎖尺兩邊分第三廳協  
兩坊官長跪拈書溫手攤幸對天顏剛咫尺禮嚴不敢  
舉頭看行出班東面照西廬聲高颺叩頭齊參差進  
講並平聲肩立輪著周書孟子題兩行冠珥列金緋  
供奉諸臣盡繡衣步入殿門同罄折講官端拱靠南扉  
細聽講虞書第幾章金鶴飄香瑞靄濃寶籠爐火撥  
蟠龍未曾暫免經傳旨不怕嚴寒報仲冬綠琉璃殿  
洞重門繡宸中陳擁至尊傳與大官供酒飯兩班文武  
盡承恩白玉闌干與案齊一行餚核盡朝西珍羞良  
醞俱名品指點開囊囑小奚  
姿容沾醉總仙桃黃閣  
三公共六曹步出順門俱北面  
瞻天拜舞不辭勞  
隔

宿薰衣問夜閑齋心轉覺副心難不知言語功多少列  
得君身保治安齋辰服次聖躬勞淺澹垂衣寶座高  
昨日御批傳帖下龍紋重整緒黃袍朱衣司禮下東  
班風細傳言縹紉間暫倚木天西面望聖皇親饗兩宮  
還 鑑山集  
原于慎行經筵進講紀述詩延英別殿倚平臺問道  
恭承步輦來講席平依丹地轉經筵近對御筵開凝旒  
昨穆聞天語委佩從容列上台聖學方隆恩禮茂儒臣長  
此咏康哉

穀城山房集

原文華殿有直殿中書擇能書者居之

春明夢餘錄

原成祖遷都北平其宮殿牌額皆朱孔陽筆孔陽松江

人兼善畫

四友齋叢說

原天順二年皇太子出閣讀書上召李賢謂曰東宮講讀向在文華殿朕欲避居武英但早晚朝太后不便姑

以左廊居太子

明天順日錄

原故事太子出閣設座于文華殿自嘉靖十五年改易

黃瓦仍為主上經筵之所

野獲編

原朱國祚東朝即事

殿庭香霽接雲平一道爐函夾  
陸行肅肅講臣齊鵲立金蓮影裏喚先生  
介石齋集

原文華殿孟夏祀竈孟冬祀井

光祿寺志

補文華殿後扁慈聖太后書六行嵌以丹朱殿內圍屏



畫輿地圖

蘇隱集

原文華殿後東室皇上齋居于此繪正心誠意字懸於西壁繪敬一字揭之門左右楣設御榻東壁下有御屏三曲護馮西室設新榻為齋宿所命工繪漢文止輦受諫圖懸之左唐太宗納魏徵十思疏圖懸之右

桂洲集

原嘉靖十三年九月文華殿後九五齋恭默室訖工命輔臣以詩紀其事於是大學士張孚敬李時各為五言律詩四章上之

明世宗實錄

欽定日下舊聞考卷三十四

欽定日下舊聞考卷三十四舉正

三尺原書尺訛凡令改

嘉靖丁巳四月條

親王尊行原書尊訛作導今改

太祖初定大朝會條

賜楊嗣昌詩首二字今增改四字

二署司原書司訛作名今改

文華殿在奉天門條

李賢原書落李字今增

天順二年皇太子出閣條

參居內外原書居訛作合今改

李國楷恭默室歲

欽定曰下舊聞考卷三十四舉正